

汝寧府志卷二十八

上蔡縣

藝文詩

平陵東

漢樂府

丞相方進少子義字仲文爲東郡太守以莽方篡漢舉
兵誅之不克見害門人作歌以怨之也

平陵東松柏桐不知何人劫義公劫義公在高堂下交
錢百萬兩走馬兩走馬亦誠難顧見追吏心中惻心中
惻血出漉歸告我家賣黃犢

歸汝墳山莊留別盧象

唐祖詠

淹留歲將晏久廢南山期舊業不見棄還山從此辭
樞

麻入南澗刈麥向東畝對酒難黍熟閉門風雪時非君
一延首誰慰遙相思

汝墳別業

祖詠

失路農爲業移家到汝墳獨愁常廢卷多病久離羣鳥
雀垂窗柳虹霓出澗雲山中無外事樵唱有時聞

汝墳秋同仙州王長史翰聞百舌鳥祖詠

秋天聞好鳥驚起出簾帷却念殊方月能鳴已後時遷
喬誠可早出谷此何遲顧影漸無對懷羣空所思淒涼
歲欲晚蕭索燕將辭留聽未終曲彌令心獨悲高飛憑
力致巧轉任天姿返覆知而靜間關斷若遺花繁上林
路霜落汝川湄且長凌風翻乘風因有期

行至汝墳寄盧徵君

孟浩然

行乏懃予駕依然見汝墳洛川方罷雪嵩障有殘雲曳
曳半空裏容容五色分聊趁一時興因寄盧徵君

汝墳示弟妹

沈千運

今日天氣暖東風杏花坼筋力久不如却羨澗中石神
仙杳難信中壽稀滿百近世多天殤翬見髣髴白杖藜
竹樹間宛宛舊行蹟豈知林園主却是林園客兄弟所
存半空爲亾者惜冥冥無再期哀哀望松柏骨肉能幾
人年大自疎隔性情誰免此與我不相易唯念得爾輩
時看慰朝夕平生茲已矣此外盡非適

平淮西雅

皇武十一章章八句
表見前

柳宗元

沙寧府志卷二十一
皇者其武于激于淮旣巾乃車環蔡其來狡衆昏歸甚
毒子醒狂奔叫喚以干大刑

皇咨于度惟汝一德曠誅四紀其徯汝克錫汝斧鉞其
往視師師是蔡人以宥以釐

度拜稽首廟于元龜旣禡旣類于社是宜金節煌煌錫
盾雕戈犀甲熊旂威命是荷

度拜稽首出次于東天子餞之壘尊是崇鼎臠俎載五
獻百籩凡百卿士班以周旋

旣涉于滄乃翼乃前孰圖厥猷其佐多賢宛宛周道于
山于川遠揚邇昭陟降連連

我旆我旗于道于陌訓于羣師拳勇來格公曰徐之無

恃額額式和爾容惟義之宅

進次千鄆彼昏卒狂哀兇鞠頑鋒蝟斧蟾赤子匍匐厥父是亢怒其萌芽以悖太陽

王旅渾渾是佚是怙旣獲敵師若饑得餉蔡兇益窮悉起來聚左擣其虛靡愆厥慮

載闢載拔丞相是臨弛其武刑諭我德心其危旣安有衆如林曾是謹饒化爲謳吟

皇曰來歸汝復相予爵之成國胙以夏墟度拜稽首天子聖神度拜稽首皇祐下人

淮彝旣平震是朔南宜廟宜郊以告德音歸牛休馬豐稼于野我武惟皇永保無疆

平蔡州

權德輿

汝南晨雞啼嗥鳴城頭鼓角音和平路旁老人憶舊事
相與感激皆淚零老人收淚前致詞官軍入城人不知
忽驚元和十二載重見天寶太平時

寄汝墳從弟楚材時郊得入秦楚材適楚

孟郊

朝爲主人心夕作行路吟汝水忽悽咽汝風流苦音北
關秦門高南路楚石潏分淚灑白日離腸遶青岑何以
寄遠懷黃鶴能相尋

平淮西碑

李商隱

元和天子神武姿彼何人哉軒與羲誓將上雪列聖耻

坐法宮中朝四彝淮西有賊五十載封狼生軀軀生羆
不據山河據平地長戈利矛日可麾帝得聖相相日度
賊斫不死神扶持腰懸相印作都統陰風慘淡天王旗
愬武古通作牙爪儀曹外郎載筆隨行軍司馬智且勇
十四萬衆猶虎貌入蔡縛賊獻太廟功莫與讓恩不訾
帝曰汝度功第一汝從事愈宜爲辭愈拜稽首蹈且舞
金石刻畫臣能爲古今世稱大手筆此事不繫於職司
當仁自古有不讓言訖屢領天子頤公退齋戒坐小閣
濡染大筆何淋漓點竄堯典舜典字塗改清廟生民詩
文成破體書在紙清晨再拜鋪丹墀表曰臣愈昧死上
詠神聖功書之碑碑高三丈字如斗負以靈龜蟠以螭

句奇語重喻者少譏之天子言其私長繩百尺曳碑倒
巖沙大石相磨治公之斯文若元氣先時已入人肝脾
湯盤孔鼎有述作今無其器存其辭嗚呼聖王及賢相
相與烜赫流淳熙公之斯文不泯後曷與三五相攀追
願書萬本誦萬過口角流沫右手胠傳之七十有二代
以爲封禪玉檢明堂基

題李斯墓

胡曾

上蔡東門狡兔肥李斯何事忘南歸功成不解謀身退
直待咸陽血染衣

題李斯墓

宋劉敞

二世三公何足論憶牽黃犬出東門天人忌滿山來事

蘇軾

蘭菊有生意微陽回於根方憂集暮雪復喜迎朝暎憶
我故居室浮光動南軒松竹半傾瀉未數莸與萱三徑
瑤草合一甌井花溫至今行吟處尙餘履舄痕一朝出
從仕永愧李仲元晚歲益可羞犯雪方南奔山城買廢
圃槁葉手自掀長使齊安人指說故侯園

鉛膏染鬢鬚旋露雪霜根不如閉目坐丹府夜自聯誰
知憂患中方寸寓羲軒大雪從壓屋我非兒女萱平生
學踵息坐覺兩輦溫下馬作雪詩滿地鞭箠痕佇立望
原野悲歌爲黎元道逢射獵子遙指狐兔奔蹤跡尚可
尋窟穴何足掀寄謝李丞相吾將返邱園

淮西碑

蘇軾

淮西功業冠吾唐
吏部文章日月光
千古斷碑人膽炙
不知世有段文昌

上蔡懷古

元傅汝礪

上蔡城頭黃葉多
聞雞看劍起長歌
徒憐丞相東門犬
猶憶將軍半夜鵝
樹底衣裳霑霧雨
馬前燈火動星河
涼風滿路吹行鐸
那似金門聽玉珂

春日謁三皇廟

明李夢陽

爰從開闢無三聖
蠡爾生民豈至今
寂寞廟宮誰下馬
遲迴天地獨沾襟
紫堦藥蔓還春色
推日叢蒼已暮陰
悵望龍髯心更苦
白雲偏繫鼎湖心

平蔡行

何景明

蔡州城高高且壯四十年來兵不向旌旗忽從雨雪入
一夜開門納兵仗請降盡是洞曲軍拒戰不覩牙城將
曩韃將軍拜道左緋衣小兒來天上州人始識裴丞相

凱旋圖歌

爲雷黃門作

何景明

漢家盜賊臨京都西衝河塞東海隅虎豹奔突豺狼呼
天子九重怒按劍將軍五道催飛符黃門鐵鞞按營壘
監祖將軍奉天子征者無憂居者喜曉戰遙隨金鼓前
晝行獨擁旌旗裏烟沙忽傳畿甸清黃門奏捷撫神京
將軍歸來天子迎冊書十萬納御座勲級三千羅紫庭
封侯拜將珥貂列白金緋衣照雲月黃門功多不自說

受爵元看陸機小辭賞誰知魯連潔高堂白日披圖新
戎衣慘淡猶風塵坐令慷慨悲金辰書生從此識汗馬
丈夫常憶畫麒麟

李斯歎

林時

上蔡倉中廡下鼠西入秦關東辭楚千騎萬騎忽雲來
丞相門前客如雨自從身在咸陽殿六國將軍怯酣戰
秦王帝業一朝成直謂勲名出霄漢親隨傍海走旌旗
可惜名都皆郡縣蘭陵本是著書人守尉翻燒何令便
沙邱消息人不聞丞相胡亥惟趙君劍落陽周血上天
衝星染日爲妖氛二世黃袍斯赤手通侯印墮中車口
不悟逐時錯上書還臨刑市悲牽狗嗟哉羣盜誰弗知

相通乃獨三川守人生天地信蜉蝣世事烟霧那真否
趙君汝不死鹿乎馬乎胡爲爾

題李璿城

馬 翬

荒城衰草夕陽邊古堞蕭蕭尙帶烟二斗解酲纔壯膽
五更騎馬始朝天淒涼此處空遺跡瀟灑當年舊酒仙
杜甫清歌千古在不堪極目倍凄然

登玩花臺

黃尙質

偶因觀射圃隨上玩花臺草露經衣濕山雲入郭來新
亭逢白菊長笑共青杯此日羸無事何妨旣醉回

登蒼臺

王 概

高臺突兀接荒城風雨年年著草生鳳尾飄蕭雲氣濕

龍頭天矯露華清重瞳此日升雙闕一本何時滿百莖
安得神龜常守護靈根直擬獻承明

遊白雲洞

王 概

仙人飛去不曾還洞口浮雲盡日關石室有苔塵榻冷
丹房無火藥爐閒鳥啼落照霞光裏鶴唳東風樹影間
好術幾多人願學祇應無路可躋攀

高皇臺

馬 蕙

幾仞荒臺上蔡東當年踪跡半蒿蓬已無雲氣連芒碭
空有青山接浦中野水寒烟飛鳥沒夕陽遠樹斷霞紅
不堪回首咸陽道懷古何人思不窮

蔡溝

馬 蕙

蒹葭風露曉寒淒烟抹疎林月漸低隔水人家屏尚掩
過橋僧寺鳥爭啼漁燈閃爍沙中沒山色模糊馬上迷
報曉鄰雞三唱罷鐘聲遙度郡城西

汝水秋風

馬蕙

一帶清溪遶故城蒹葭漸瀝動秋聲霞隨孤鷺天邊沒
柳映殘陽雨外明紅蓼岸平樵唱入白蘋香散釣舟橫
臨流獨愛清如許何必桃源問渡情

洪河

馬蕙

河流百折綠縈紆况復春深雨更餘片片落花輕泛水
依依碧荇暗藏魚磯頭沙鳥來還去天際風帆卷又舒
偶爾問津見漁叟披簑來自武陵居

上蔡懷古

曹璉

汝河一帶遶蘆岡四眺烟霞接渺茫
丞相塚頭蒼蘚合
楊仙洞口白雲荒
霜前野水連天漲
雨後靈蓍滿地芳
欲向卦臺究義畫
旅懷無奈去途長

弔霍慙節

闕名

公脉昔年曾我診已知鐵漢是天生
乾坤止識綱常重
夫婦能將性命傾
萬刃斷軀難斷義
千年埋骨不埋名
軻山猿嘯蕭蕭夜
猶似當年罵賊聲

謁上蔡先生祠

白應虛

上蔡城邊莫雪深
先生祠下樹蕭森
當年簡冊看遺訓
此日蘋蘩見素心
一字去來功實際
半生虛過罪難禁

高山仰止依然在下拜臨風且歛襟

登大士閣雪眺

張延

危樓千尺俯蒼烟回首茫茫暮雪前迢遞平疇窗外盡
參差遠樹坐中縣瑤華渾改寒村色玉宇新開大梵天
蹇爾登臨堪共飲喜從吾世兆豐年

洪河泛舟

張九一

波遠天還合沙崩地與傾千章楓樹落兩岸蓼花明
翫無交熊浮沉自大名沙鷗莫遽起吾與爾爲盟
急峽瀉河聲中流桂楫輕花依遙岸待柳傍近灘迎天
地孤舟轉文章萬象驚蛟龍羣出舞共醉倚青萍

槐茶歌

黃二桂